



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Venerabilis Patris D. Hludowici Blosii Abbatis Lætiensis Ordinis S. P. N. Benedicti Tomus Posterior Margaritum Spirituale

Blois, Louis de

Monasterii Campidonensis, 1672

V. Articuli vitæ Christi, amplam meditandi materiam paucis verbis  
subministrantes.

[urn:nbn:de:hbz:466:1-45885](https://nbn-resolving.org/urn:nbn:de:hbz:466:1-45885)

HLUDOWICI BLOSII  
MARGARITI  
SPIRITUALIS  
PARS QUINTA,  
SIVE

ARTICULI VITÆ CHRISTI  
AMPLAM MEDITANDI MATERIAM  
PAUCIS VERBIS SUBMINISTRANTES.

*Ante meditationem potest orare  
in hunc modum.*

*Oratio  
medita-  
tioni præ-  
missa.*



Adeuro te, o  
gloriosa, ful-  
gida, & sem-  
per tranquil-  
la Trinitas,  
unus Deus.  
Gratias ago  
pro universis  
beneficiis tuis, mihi indignissimo  
præstitis: omnia illa in te refundo  
& tibi offero in laudem æternam.  
O bone Iesu! o dulcis Iesu! amabi-  
lis Iesu! O Domine mi, fili Dei  
vivi, Deus æterne! qui ex volun-  
tate Patris, cooperante Spiritu  
sancto factus homo, redemisti me,  
miserere mei. Emunda me ab  
omni peccato. Concede, ut purè

ad gloriam nominis tui recolam  
ea quæ pro salute mea facere (vel  
pati) dignatus es. Doce me hoc  
ita perficere, sicut tibi placitum  
est. Da ut studiosè te sequar, & ti-  
bi medullitus compatiar, atque  
præ tui amore penitus liqueſcã:  
*Verumtamen non mea voluntas, sed tua fiat. Amen.*

*Articulus I.*

Dulcis Iesus, Filius Dei vivi,  
Deus altissimus, Creator cæli &  
terre, propter nimiam charita-  
tem qua me dilexit, voluit de  
Spiritu sancto concipi & incar-  
nari, in castissimo beatæ Mariæ  
Virginis utero: in quo etiam no-  
vem sensibus habitavit. Deus  
meus seipsum exinanivit, & for-  
mam servi accipiens, factus est  
frater meus: ut me ad cæleste reg-  
num

ARTICULI VITAE  
OMNIBUS

num suum reduceret. O pietas ineffabilis, & beneficium inestimabile! Quid retribuam Domino meo?

Articulus II.

2.  
Nativitas  
in stabulo

Dulcis Iesus, Rex gloriae causa salutis meae natus est tener infans in abjecto stabulo, saeviente hyemis asperitate. Involutus est vilibus pannis. Reclinatus est in praesepe jumentorum. Jacuit super foenum & stipulas. Lactatus est uberibus pauperulae matris. Tantam paupertatem subiit pro me Filius Dei. Eja amabilis puer, lux gentium, Salvator desiderabilis, miserere mei: benedic mihi obsecro, & salvum me fac.

Articulus III.

3.  
Circumcisio

Dulcis Iesus octavo a nativitate sua die circumcisus est, Virgine matre illi intimè condolente. Circumcisus est, & Sanguinem fudit pro me vilissimo: vocarique voluit Iesus (id est, Salvator) ad consolationem meam. Postea Gentibus stella duce revelatus est, quando Magi ad ipsum pauperem puerulum adorandum, venerunt in Bethlehem. Praesentatus est in templo, atque hostia pauperum redemptus. Fugit in Aegyptum, ibique paupertatis incommoda cum Maria & Joseph sustinuit. In sacra infantia, pueritia atque adolescentia sua, plurimas necessitates & tribulationes perpeffus est pro salute mea.

Articulus IV.

4.  
Baptismus

Dulcis Iesus, cum esset ferè triginta annorum, humiliter susce-

pit Baptismum a servo suo Ioanne. Ieiunavit quadraginta diebus & quadraginta noctibus, habitans cum feris in deserto. Conditor orbis, Rex Angelorum, Deus Omnipotens, non dedignatus est tentari a diabolo propter me.

Articulus V.

Dulcis Iesus pro salute mea itineribus, vigiliis, laboribusque fatigatus est. Praedicavit, miracula edidit, beneficia impendit. Famem, sitim, frigus & aestum pertulit. Innumeras ærumnas innumeratq; persecutiones triginta tribus annis mitissimo corde toleravit, ac tandem venit Ierosolymam, ut moreretur pro me.

Articulus VI.

Dulcis Iesus, Rex regum & Dominus summæ majestatis, precinxit se linteo, misitque aquam in pelvim: ac positis genibus, humiliter lavit pedes discipulorum suorum, eosque linteo exersit, O! quale exemplum dedit mihi Dominus Deus meus!

Articulus VII.

Dulcis Iesus ex immenso amore, quo nos tenerrimè diligit, venerabile Sacramentum Eucharistiae instituit, seipsum in illo stупenda liberalitate, suavissimaque charitate nobis donans atque relinquens.

Articulus VIII.

Dulcis Iesus in hortum oliveti perveniens, cepit pavere ac mortuus esse, aded ut diceret: *Tristis est anima mea usq; ad mortem.* Flexit humiliter genua super terram,

Ieiunium.

Tentatio.

5.  
Prædicatio.  
Miracula.

Persecutiones.

6.  
Loto pedum discipulorum.

7.  
Eucharistia instituit.

8.  
Agonia.

Oratio.

ARTICULUS  
DE VITAE  
CHRISTI

& procidens in faciem suam, oravit Patrem tertio. Ipse propter me summe afflictus, plenissime se Patri resignavit, dicens: *Pater, non mea, sed tua voluntas fiat.* Praevehementia angustiarum quibus mitillimum cor ejus premebatur, sudavit toto corpore sudorem sanguineum, ita ut guttae decurrerent in viam.

*Articulus IX.*

9.

Obvatio  
hostium.

Dulcis Iesus, summo desiderio me redimendi & pro me patiendi ardens, processit obviam inimicis suis, benignissimeque eos allocutus est. Non recusavit à Iuda proditore osculum accipere, atque ab impiis hominibus ignominiose tamquam latro comprehendendi ligarique, ut ego à vinculis peccatorum meorum absolverer.

*Articulus X.*

10.

Domus  
Annæ &  
Caiphæ.

Dulcis Iesus vincus ut malefactor, adductus est cum opprobrio ad domum Annæ, indeque ad domum Caiphæ Pontificis. Benignus & suavis Dominus tradebatur, propellebatur, tundebar & blasphemabatur à satellitibus diaboli; sed omnia illa gravia atque indigna amore mei patientissime tolerabat.

*Articulus XI.*

11.

Alapa à  
servo in-  
flicta.

Dulcis Iesus, Dominus dominantium, diram & atrocem alapam sibi à servo Pontificis iniquissime datam, modestissime pro salute mea pertulit. Et quomodo ego posthac non vicissim pro illius amore patienter feram

injurias mihi irrogatas?

*Articulus XII.*

Dulcis Iesus in domo Caiphæ falsò accusatus est, injustè condemnatus est, foedè consputus est. Inclementer verberatus est, horribilesque colaphos & alapas accepit. Ludibriosè velatus est, cædentibus eum impiis, & subsannando dicentibus: *Prophetiza nobis Christe, quis est qui te percussit?* Ah! Regia illa & amabilis ejus facies putentibus sputis pro me foedata est: ipse agnus mitillimus interea conquestus non est, sed patientiam docens, obmutuit, & non aperuit os suum. Convitia, contumelias, opprobria, & qualibet injurias id silentio toleravit propter me. O quam malè & indignè nocte illa tractatus fuit!

*Articulus XIII.*

Dulcis Iesus, Sanctus sanctorum, & Rex Angelorum, consputus ac vincus manè ductus ad Pilatum, & coram eo vultu benigno oculisque demissis stetit. Cumque falsò à Judæis acusaretur, humiliter tacuit, nihil respondens.

*Articulus XIV.*

Dulcis Iesus, ligatus ut latro, missus est à Pilato ad Herodem: qui Herodes videns eum ad varias suas interrogationes, & ad falsas Iudæorum accusationes sapienter silentem, sprevit illum, ac veste alba ridiculaque tamquam fatuum induit, atque ita ad Pilatum remisit. Et ego posthac paratus pro ejus amore esse debeo

con-

12.  
Accusatio in conspectu Caiphæ.  
Colaphi.  
Kelin.

Sputis

Convitia

13.  
Ductus ad Pilatum.14.  
Herodes illudis Christi.

Veste ebria induit ad Pilatum remittitur.

ARTICULI  
LIVITAE  
CUIUS

contemni atque opprobriis affi-  
ci. Amabilis Dominus pro vo-  
luntate inimicorum suorum pro-  
grediebatur & regrediebatur sine  
contradictione, permittens ut in  
se facerent quidquid volebant.  
O quàm humilis obedientia &  
patientia Regis æterni.

*Articulus XV.*

15.  
Magella-  
tio ad co-  
lumnam.

Dulcis Iesus in Prætorio nu-  
datur, & ad columnam inclemen-  
ter ligatur, flagrisque crudelissimè  
dilaceratur pro me. Virginea de-  
licataque caro ejus tota livoribus  
ac plagis deformatur, & ex ea ri-  
vuli pretiosi sanguinis undique  
in terram decurrunt. O quàm a-  
cerbi dolores, & quàm miseran-  
dum spectaculum! Verè ille vul-  
neratus est propter iniquitates  
nostras, attritus est propter scele-  
ra nostra, & livore ejus sanati su-  
mus.

*Articulus XVI.*

16.  
Oblamys  
soccinea.  
Corona  
de spinis.

Dulcis Iesus chlamyde coccine-  
a ad majus opprobrium vesti-  
tur. Corona spinea venerando  
capiti ejus imprimitur: sicque ca-  
pite graviter fauciato, purissimus  
sanguis in amabilem faciem col-  
lumque illius ubertim defluit.  
Ponitur arundo in manu ejus, &  
ipse nugatoriè salutatur adora-  
turque. Percutitur arundine, con-  
spuitur, & diras alapas accipit  
propter me.

*Articulus XVII.*

17.  
Ecce ho-  
mo.

Dulcis Iesus foras à Pilato pro-  
ducitur, & furentibus Iudæis spe-  
ctandus exhibetur, coronam spi-  
neam purpureumque vestimen-

tum gestans. At illi magnis vo-  
cibus petunt ut crucifigatur. Ca-  
put spinis oblitum, facies cruore  
tincta & consputa, corpus flagris  
conscissum, humilis ac placidus  
aspectus Domini Iesu non emol-  
liunt eos ad miserationem. Uti-  
nam moveant me ad intimam  
compassionem & ardentem dile-  
ctionem!

*Articulus XVIII.*

Dulcis Iesus morti à Pilato ad-  
judicatur, & voluntati Iudæorū  
traditur. Mox ergo eum illi ra-  
piunt, & indutum vestimentis  
suis, trabeque crucis oneratum,  
extra civitatem pertrahunt. Sua-  
vis Dominus laceris humeris cru-  
cem bajulans propellitur, cædi-  
tur, acceleratur. Amabilis Re-  
demptor factus opprobrium ho-  
minum, & abjectio plebis, humi-  
liter graditur, pergitque ad Cal-  
variæ locum. O quantum eum  
gravat & affligit pondus crucis,  
magis verò pondus peccatorum  
meorum! Sed ipse causâ salutis  
meæ omnem laborem & dolo-  
rem, omnemque confusionem li-  
benter tolerat.

*Articulus XIX.*

Dulcis Iesus, in montem Cal-  
variæ fessus & anhelus perveni-  
ens, oblatum sibi vinum myrrha-  
tum cum felle mistum gustare nō  
recusat: ut hac potus amaritudine  
expiet culpas, quas ego inconti-  
nenter edendo ac bibendo con-  
traxi. O qualis refectio Domini  
mei! Jam ergo vitiosis gulæ ille-  
cebris & delectationibus, omni-

Postulā-  
tur ad  
crucem.

18.  
Morti  
adjudi-  
catur.

Crucem  
bajulat.

ad Cal-  
variæ lo-  
cum.

19.  
Vinum  
myrrha-  
tum cum  
felle.

Articu-  
ly vitæ  
curator

que ingluviei sponte propter il-  
lum renuntiare debeo.

Articulus XX.

20.  
Nudatur  
Iesum.

Dulcis Iesus in loco Calvariæ  
dedecorosè nudatur, & ex vesti-  
mentorum detractione, plagæ e-  
jus renovantur. Ipse mitis & in-  
nocens agnus Dei inclementer à  
sævis hominibus in cruce exten-  
ditur. Delicatæ manus & incon-  
taminati pedes ejus diris clavis  
malleo impulsis crudeliter perfor-  
rantur. Compages sanctissimo-  
rum membrorum illius miserabi-  
liter solvuntur. Purpureus san-  
guis è Vulneribus sacris, velut è  
fontibus largiter profluit. O quã  
durum habet lectum sponfus ani-  
mæ meæ, extentus in cruce, cru-  
ciq̃ue affixus pro me! O quantum  
odisse & detestari debeo peccata  
mea, propter quæ Filius Dei tam  
immania perfert tormenta! Ego  
amore ejus qui amore mei sic affli-  
ctus fuit, impuris voluptatibus  
prorsus renuntio, & illi omnibus  
diebus vitæ meæ in sanctitate ser-  
vire propono.

Extendi-  
tur in  
cruce.  
Perforan-  
tur ma-  
nus & pe-  
des.  
Disten-  
ditur.  
Fluenta  
sanguis-  
qu.

Articulus XXI.

21.  
Pendet  
inter la-  
trones.

Dulcis Iesus, pendens nudus in  
ignominioso stipite crucis, pen-  
dens medius inter duos latrones  
transfixis manibus ac pedibus,  
pretiosissimum cruorem fundit,  
amarissimosq̃ue dolores sustinet  
pro me. Subfannatur, blasphemii  
q̃ue impetitur: sed orat pro  
blasphemantibus, orat pro cruci-  
fixoribus suis, dicens, *Pater, di-  
mitte illis, non enim sciunt quid fa-  
ciunt.* Latroni pœnitenti para-

Orat pro  
blasphem-  
mantibus  
se.

Latroni  
dat para-  
ditum.

ditum benignè promittit. Virgi-  
næ matri juxta crucem astanti,  
& afflictæ ac doloris gladio pe-  
nerratæ, intimè compatitur, ip-  
samq̃ue discipulo Joannicomen-  
dat, & eidem Joanni ac nobis  
omnibus illam donat in matrem.

Joanni  
Matrem  
commen-  
dat.

Articulus XXII.

Dulcis Iesus, cùm immensos  
cruciatu tribus horis in cruce  
pro me tolerasset, ac sacrosancto  
Sanguine suo fuso vehementissi-  
mè sitiret, aceto potatus est. Quo  
gultato, ipse vivificator omnium  
caput venerandum inclinans, e-  
misit spiritum.

22.  
Sitis.

Aceto  
potatus.  
Martha.

Articulus XXIII.

Dulcis Iesus, pastor bonus, po-  
suit animam suam pro ovibus. Et  
dextrum latus emortui corporis  
ejus, lanceâ fuit apertum, unde  
nobis profluxit sanguis & aqua.  
Amorosum cor illius vulneratum  
est pro me. Utinam hoc cor sua-  
vissimum, hoc amœnum beatitu-  
dinis gazophylacium, sit mihi in  
morte salus ac solatium, & post  
mortem æternum domicilium!

23.  
Vulnus  
lateris.

Exit  
qua  
sanguis

Articulus XXIV.

Dulcis Iesus mortuus est pro  
me. Ejus corpus immaculatum  
de cruce depositum, beatissima  
mater ipsius in gremium suum  
excepit, osculata est, lacrymis ri-  
gavit. Quod deinde Joseph &  
Nicodemus involverunt in sin-  
done munda, atque condiderunt  
in sepulchro.

24.  
Depos-  
itur in se-  
pulchrum  
munda  
lin.

Sepe  
lin.

Articulus XXV.

Dulcis Iesus, victor è clauso si-  
gillatoq̃ue sepulchro tertia die  
pro-

25.  
Surgit  
morte.

pro-

ARTICU-  
LI VITÆ  
CHRISTI

Apparet  
Matri.  
Magda-  
l. na.  
Discipu-  
lis.

26.  
Ascensio  
in celum

Oratio  
medita-  
tioni sub-  
iungitur

prodiens, nobilitriumpho resur-  
rexit à mortuis : & claritate se-  
renissimi vultus sui reddita, pri-  
mò charissimam matrem suam  
virginem Mariam ; deinde Ma-  
riam Magdalenam ac ceteros a-  
micos suos novo perfudit gau-  
dio.

*Articulus XXVI.*

Dulcis Iesus, quadragesimo  
post resurrectionem suam die,  
coram discipulis ineffabili læti-  
tia perfusus, gloriose ascendit in  
cælum ; ubi sedet ad dexteram Pa-  
tris, benedictus in sæcula sæculo-  
rum, Amen.

*Post meditationem poteris hæc  
aut similia precari.*

**O** FILII Dei vivi, fili virginis  
Mariæ, melliflue Rex glo-  
riæ : O vivificans gemma divinæ  
nobilitatis, immarcescibilis flos  
dignitatis humanæ, superlucide  
sol iustitiæ ? O paradise delicia-  
rum, dulcedo cordis mei, vita  
animæ meæ Jesu Christe, tu sic  
dilexisti me. Tu ex immensa cha-  
ritate istud (vel) ista fecisti, ista hu-  
millimè, patientissimè & beni-  
gnissimè pertulisti pro me. Quid  
retribuam tibi ? Adoro te, laudo  
te, glorifico te, benedico & gra-  
tias ago tibi sicut possum. Mife-  
rere mei Domine, miserere mei  
pauperrimi figmenti tui. Propter  
bonitatem tuam, propter istam

pietatem tuam dele omnia pecca-  
ta mea. Mortifica in me & aufer  
à me quidquid tibi displicet. Da  
ut conformis tibi sim, & sanctas  
virtutes tuas totâ diligentia imi-  
ter pro modulo meo. Effice me  
humilem, & resignatum, & con-  
tinentem ; effice me hominem  
secundum cor tuum. Commen-  
do tibi miseros peccatores. Ad-  
esto omnibus vivis, & fidelibus  
defunctis, Amen.

*Vel si magis libeat post singulos  
Articulos adjicere aut rumi-  
nare hæc verba, poteris  
id facere.*

**L**AUS perennis & gratiarum a-  
ctio Jesu Christo Dei Filio,  
Redemptori meo charissimo. Ve-  
rè illius erga me pietas, fidelitas  
& charitas penitus immensa est.  
O utinam ipse me perfectè emun-  
daret, sanaret atque illuminaret !  
Utinam sui amore me profusus  
inflammaret, sibi que per omnia  
placentem redderet ! Fiat semper  
in me & de me gratissima volun-  
tas ejus, Amen.

*Aut etiam Jesum ita salutabis.*

**A**VA dulcis Jesu, sponse flori-  
de, Fili Dei vivi. Tu es lux  
mea, Deus meus, & perenne bo-  
num meum : tibi gloria in sæcu-  
la sæculorum, Amen.

HLUDO-